

北洋官報

目錄

宮門抄
上諭

交旨
 奏議 ○學部奏上海高等實業學堂鐵路科學生畢業請
 獎摺 △又奏該堂附屬中學畢業請獎摺 △川滇邊務
 大臣趙奏推廣學務摺 △又奏出關人員優予薪獎片
 公牘 ○理藩部咨二件 △督憲札三件 △吳丞堂呈一件
 △天津海關道詳一件
 文告三則 △電報九則 △新聞十一則
 彙編 ○南洋武備出品協會章程 △民政部奏定保存古
 跡章程

本局 第一百十三期 法政學報 現已出版

宮門抄

八月二十六日 吏部 翰林院 廂黃旗值日 順王等盤查銀庫覆 命 榮中堂 鹿中堂謝充實錄

館正總裁 恩 釗公 都凌阿各續假五日 召見軍機 現換棉袍褂 禁煙大臣遞封奏一件

上諭

八月二十六日內閣奉

上諭鹿傳霖等奏特叅道員煙癖未斷巧爲掩飾請從嚴懲處一摺江西裁缺督糧道錫恩投所請驗多方夾帶意見圖朦混著革職永不叙用江西候補道江忠廣瞻徇出結咎有應得著交部議處該部知道欽此

交旨

八月二十六日 軍機大臣欽奉

諭旨九月二十五日 孝欽顯皇后几筵前行祖奠禮由 監國攝政王代詣行禮欽此

奏議錄要

學部奏會核上海高等實業學堂鐵路科學生畢業試卷照章請獎摺

奏爲會核上海高等實業學堂鐵路科學生畢業試卷照章請獎恭摺仰祈 聖鑒事竊查上海高等實業學堂

係就南洋公學基址設立歸農工商部管理光緒三十三年由農工商部移交郵傳部接管該學堂鐵路科學生自

光緒二十八年先後入堂肄習豫科或三年或四年不等光緒三十二年夏間升入本科進習本科功課三年核

與奏定學堂章程高等實業學堂豫科本科年限相合本年五月該科學生肄習本科期滿經學部郵傳部分別派

員會同該學堂監督前農工商部侍郎臣唐文治按照所習學科舉行畢業考試由該學堂監督會同教員分科擬

定分數呈送郵傳部覆核復由郵傳部咨送學部核定成績頗優具有高等程度原擬分數亦俱允協計畢業學生

五名畢業考試分數與歷年歷期考試分數平均所得畢業分數均在八十分以上照章應列最優等查奏定學堂

章程學堂綱要內開電報鐵路郵政鑛務等類學堂亦實業之一端此項畢業學生應援照高等實業學堂獎勵章

程請給獎勵奏定學堂章程內載高等實業學堂畢業獎勵考列最優等者作爲舉人以知州儘先選用該學堂鐵

路科畢業學生吳思遠高恆儒潘善聞胡士熙鄭家斌等五名均經考列最優等照章應准作爲舉人以知州儘先

選用以資鼓勵謹將該生等畢業分數開具清單進呈 御覽如蒙 俞允卽由臣部分行遵照辦理所有臣

等會核上海高等實業學堂鐵路科學生畢業試卷照章請獎緣由謹會同恭摺具陳伏乞

皇上聖鑒再此摺係學部主稿會同郵傳部辦理合併聲明謹 奏宣統元年八月十九日奉 旨依議欽此

謹將上海高等實業學堂鐵路科學生畢業分數開列清單恭呈 御覽 計開 最優等五名 吳思遠（九

十三分三釐四毫） 高恆儒（九十一分四釐八毫） 潘善聞（八十七分一釐八毫） 胡士熙（八十五分九

釐二毫） 鄭家斌（八十一分九釐五毫） 以上五名畢業分數均在八十分以上照章列入最優等

學部奏會核上海高等實業學堂附屬中學畢業學生試卷分別給獎摺

奏爲會核上海高等實業學堂附屬中學畢業學生試卷分別給獎恭摺仰祈 聖鑒事竊查上海高等實業學

堂現歸郵傳部管理該學堂設有附屬中學以備遞升高等曾經咨明學部有案前准該學堂監督前農工商部侍

郎臣唐文治咨明附屬中學第一班於本年五月畢業當經學部郵傳部分別派員會同該監督舉行畢業考試茲

准該監督將畢業試卷分數暨學生履歷並歷期歷年分數表冊咨送郵傳部覆核由郵傳部咨送學部核定並准

該監督咨稱李大椿黃理中張承良王開屏盛守鈺徐恩第徐亥過科先陳大啓施蓋顧光賓陳明壽王翀程鵬展

王大炎華應宜葉廷芳徐維綸吳鍾懋沂陳永垣等二十一名均經在校扣足學期徐佩璜周象賢陳慶堯徐

佩現閱紹棠等五名由南洋中學轉學前數學期之分數均從該校查取確有可憑羅惠喬楊貽誠等二名係甯波

中學堂畢業生轉入補習兩學期其餘插班諸生張廷金許復陽席德柄方於梅唐榕炳梁啓英邱養吾戴濟席德

懋吳清度金時中唐榕錦郭守中謝繼連沈炳來徐乃蓮邱宗淳黃灝胡明堂張松堂等二十名從前所入學堂分

數無從考查黃照青顧維精金鵬等二名到堂僅兩學期或一學期等語學部查上年臣部附片奏明所有京外中

學堂無論官立公立私立無論學生何時入堂均應恪遵定章扣滿五年課程一律完全始准畢業請獎奉 旨

允准通行在案該學堂附屬中學課程揆之定章略有增加並無闕略其滿足年限之學生李大椿等二十一名應

准畢業照章給獎其由南洋中學轉入之學生徐佩璜等五名前數學期之分數既據稱確有可憑尙與學部通行

轉學章程相符應一併准其畢業給獎原擬畢業試卷各科分數均屬妥協其分數有應照章降等者亦經分別降

等辦理頗爲覈實所有列入最優等之李大椿徐佩璜黃理中張承良王開屏盛守鈺徐恩第徐亥陳慶堯王大炎

等十名擬請作爲拔貢列入優等之周象賢過科先陳大啓施蓋顧光賓陳明壽王翀程鵬展閱紹棠華應宜葉廷

芳徐維綸吳鍾懋沂陳永垣等十五名擬請作爲優貢列入中等之徐佩現一名擬請作爲歲貢其羅惠喬等

二名既係甯波中學堂畢業生並准浙江巡撫咨明學部有案應歸原案核議張廷金等十二名原入學堂分數無

可稽考黃照青等二名在堂時日尤淺均未便准其畢業應由該學堂分別酌令補習俟在堂滿足五年再行畢業

如蒙 俞允即由臣部分行遵照辦理所有臣等會核上海高等實業學堂附屬中學畢業學生試卷分別給獎

緣由謹會同恭摺具陳伏乞

皇上聖鑒再此摺係學部主稿會同郵傳部辦理合併聲明謹 奏宣統元年八月十九日奉 旨依議欽此

督辦川滇邊務大臣趙爾豐奏推廣學務添撥經費摺

奏爲推廣學務添撥經費銀兩恭摺仰祈 聖鑒事竊維興學將以易俗開化卽以固邊奴才於光緒三十三年
奏明籌設關外學務局委在籍度支部主事吳嘉謨充當總辦於邊務經費項下撥銀三萬兩作爲開辦經費在
案自該主事督同學務委員司事人等購買圖書器具延訂教習擇關外適中之巴塘地方暫租民房設局派員徧
歷巴裏二塘及鄉城鹽井稻壩中渡貢葛嶺各處曉諭開辦之初番民不知向學之益頗滋猜疑甚有謂入學堂爲
支差愈形畏避因首於巴塘裏塘兩處選漢塘兵商民及蠻頭人子弟年齡及格者招之入堂從淺易入手先教以
漢語官話及中國淺近文字並優待學生使各處蠻民藉資觀感至去年春間該番民等見學堂未徵學資不費一
錢而子弟能知漢語有事可與漢官直接又見給予冠履衣服加以禮貌於是疑慮漸釋復經勸學員等帶同繙譯
赴各處多方開導始皆忻悅信從願將子弟送學去年一年之間關外卽成立男女學堂三十餘校該蠻民等知設
學有益於彼近來稟請立校者日見其多今年正月間奴才復由川調藏文畢業生七十餘名出關派充教習惟關
外蠻語方言各自不同卽繙譯亦多遷地弗良特令該畢業生等在學務局補習師範及各方言語半年之後始行
派充教習茲據該總辦吳嘉謨詳稱原撥經費銀三萬兩截至去年十二月底止報部核銷之外所存之數不敷本
年開支請奏撥等情前來奴才覆查關外設學將屆三年而蠻民歸順之誠已有變夷爲夏之勢迎機利導革其不
俗卽爲將來開設行省之基礎惟學堂日廣學費亦愈增台無仰懇 天恩俯念該局設立以來漸著成效其不
敷之項由奴才於邊務經費項下再撥銀三萬兩以資擴充學堂之用仍飭令撙節開支按年將用過之款報部核
銷所有推廣學務添撥經費緣由除咨部外是否有當伏乞

皇上聖鑒訓示謹 奏宣統元年八月二十一日奉 硃批著照所請該部知道欽此

又奏奏調出關人員請厚給薪資優定獎勵片

再關外創辦伊始條理紛繁需材孔亟而地方苦寒飲食起居均與內地迥異調員出關大都推諉光緒三十一年

前調任督臣錫良因正值軍務用人之際乃嚴加整頓凡有奉委而藉故推延者非嚴行奏參即請暫行革職以儆效尤該員等始勉強應命去年奴才奉

命駐藏道

旨厚給薪資優定獎勵此專指藏而言也乃奏調

十餘員內至今尚未到齊本年春間因奴才奉

旨仍辦邊務復有因病告假進關者蓋既無保獎之望遂不免

生退避之思惟方今邊事繁重分理需人而寥寥數員實不敷用現復奉

旨將乍了察木多等處劃歸邊務管轄即將來德格事竣辦理善後尤須贊助有資無如招之皆不出於情願又非若前此用兵之時暫可以威令從事且奴才竊思與其迫之強就辦事終鮮實心不如導之樂從有才皆思效用查光緒三十三年吏部議覆駐藏大臣聯豫請酌予保獎案內凡隨員人等三年差滿仿照新疆等處向章分別異常尋常擇優請獎奉

旨允准在

案內地邊缺亦有三年保獎之例邊藏事同一律其難更百倍於內地合無仰懇

天恩俯念邊疆緊要辦事需才凡有奏調出關之員仍遵

旨厚給薪資優定獎勵俾該員等携帶眷屬久於所事仍由奴才隨時察看分別賢否以定去留俾免濫竽糜費薪水一項查藏中奏定凡奏調者每月月薪一百六十兩咨調者減半尚有整裝歸裝銀兩調藏之員均係佐雜或職銜人員居多而邊地所調有道府州縣及佐貳雜職之不同自應按官階之等級定薪資之多寡茲擬道員每月月薪三百兩知府二百兩同通州縣一百六十兩州同州判府經縣丞八十兩巡檢從九六十兩如係革職人員照對品薪資減半其僅捐有職銜者果係才堪任用亦月給薪水四五十兩均以到差之日起支所有整裝歸裝川費等費一概免發在奉公出差往返夫價道府日給銀三兩同通州縣二兩佐雜及職銜人員一兩革職人員仍照對品減半按站發給明定章程俾共遵守即於體恤鼓勵之中仍寓限制撙節之意如此則賢能思奮奴才得廣收人才之效邊務有速臻治理之期所有調用人員擬定薪資獎勵章程是否有當理合附片具陳伏乞

聖鑒訓示謹

奏宣統元年八月二十一日奉

硃批該部議奏欽此

公牘錄要

理藩部片覆貴胄學堂俟有呈願肄業學員由本部隨時咨送文

為片覆事准貴胄法政學堂文稱接准貴部咨稱肄業學員鄂哩雅蘇一名在案茲查各衙門咨送來堂及各項投考學員已復不少亟應籌備開考事宜相應咨行貴部迅速查明應矣肄業暨考試各項人員開送到堂以便本學

堂照章核辦等因前來查前准貴學堂送到章程當經本部通行該管將軍大臣轉飭內六盟外四部落並就近劉知駐京王公等去後僅據博多勒噶台親王阿穆爾靈圭之叔鄂哩雅蘇一員情願入學肄業咨送在案其餘各該處均未呈覆到部無憑咨送相應片覆貴學堂查照俟有呈覆願入學肄業之員再由本部隨時咨送可也

理藩部咨覆 督憲派員採購馬匹由察哈爾都統飭行該盟長妥爲照料文

爲咨行事准直隸總督端咨稱據北洋陸軍兵備處呈稱竊查北洋陸軍二四兩鎮暨巡防准軍左右路馬隊各營需用馬匹每年所有倒斃例應遵章更換以重操防本年二四兩鎮應行添補戰馬八百匹經派陳副將永祿前往張家口外附近產馬處所採購准軍左右路應添戰馬二百二十匹卽飭張鎮懷芝雷鎮震春派員隨同陳副將永祿前往自行選購曾經稟請前署督憲那桐照案附片 奏明并分別咨行查照各在案茲准陳副將永祿聲稱張家口外附近今年馬匹缺乏此次前往採購難期充數查錫林郭勒盟達賴岡崖兩處今年產馬甚衆購買較易現擬協同兩鎮委員前往採購囑爲請示并請分別咨行查照辦理等語卑處覆查屬實理合呈請鑒核施行等情到本大臣據此查此案前因北洋陸軍第二第四兩鎮暨巡防准軍左右路馬隊各營需馬甚衆加以年有倒斃遵章更換填補亦須籌備均應及時採購以重操防查本年二四兩鎮應行添補戰馬八百匹應卽派委陳副將永祿前往張家口外產馬處所按格選購其准軍左右路應添戰馬二百二十匹卽飭該兩鎮派員隨同陳副將永祿前往自行選購二宗共計一千零二十四匹均須臆壯高大不得以疲弱瘦小充數購齊卽行押解回直以便分發各鎮俾資操練而實營伍業經前署大臣那桐附片具 奏並分別咨行查照在案現據兵備處呈稱等情前來自應准照辦理除分咨行查外相應備文咨會貴部請煩查照轉行各該處俟該委員到時妥爲照料公平交易勿許任意刁難抬價居奇是爲至要望速施行等因前來相應咨行察哈爾都統飭行錫林郭勒盟長轉飭所屬一體遵照除行文外並咨覆直隸總督查照可也

督憲端准度支部咨創立銀錢號限制辦法札飭司道商會暨官銀號遵照文

爲札飭事八月初八日准 度支部咨開通阜司案呈本部奏定銀行通行則例第二條內開凡欲創立銀行者或獨出資本或按照公司辦法合資集股均須預定資本總額取具殷實商號保結呈由地方官查驗轉報 度支部

核准註冊方可開辦等語通行在案乃現在各省開設者竟有不俟核准給照或甫經呈驗資本未據地方官報部或已經報部未奉部覆核准即先行開辦殊與定章不符嗣後均應遵守奏定則例如各省開設銀錢各行號呈由地方官體查該處情形先行據情報部俟部咨覆准其設立再行呈由地方官驗查驗明確取具殷實商號保結報部經部核准發給執照後方可開辦以昭慎重各地方官如遇呈請報部立案或查驗資本等事務宜遵章迅速辦理不得遲壓庶免吏胥上下其手致生弊竇相應咨行直隸總督轉飭各地方官切實遵照可也等因到本大臣准此合行札飭札到即便遵照此札

督憲端札飭北洋官電局裁汰員司文

爲札飭事據北洋官電局詳送在局員司分別裁留等情所有收支委員郭經歷紹箕襄辦文案王令蔭槐幫辦文案曹縣丞俊總稽查黃直才才俊稽查陳令梁報房委員邱縣丞振豫司事曹樹源毛志武姚頌蘭沈鵬曹文藻崔庭芝等十二員名應均裁節此外各員司有無應行裁節之員應仍由該局總辦隨時查核稟辦合行札飭札到該局即便遵照

督憲端札飭造幣津廠裁減員司文

爲札飭事據造幣津廠詳稱該廠現計委員十一員司事十六人查有副文案許令景光巡查楊縣丞憲仁差遣邱縣丞振豫均請開去差使繙譯委員侯守良登原支薪津一百六十兩擬改爲月支薪津一百兩等情應即照擬辦理合行札飭札到該廠即便遵照

吳承堂錢孫呈創設天津中國報社請立案文並批

爲呈請事案據中國報社經理人職商嚴己稟稱爲創設天津中國報社發行每日報章報內宗旨以鼓吹立憲開通風氣爲要情願遵照報律辦理相應呈請憲局立案並移會郵局掛號認爲新聞紙類一體寄遞懇乞憲局批准立案實爲公便計呈甘結一紙等情據此除批示並將甘結存查外理合備文呈請 大帥查核是否准其印行之處伏候批示祇遵實爲公便

督憲端 批來呈閱悉該職商嚴己創設天津中國報社發行報章係爲鼓吹立憲開通風氣起見應准立案希即

轉飭該報社務須遵照報律辦理其郵局照新聞紙類一體寄遞一節並希移會津海關道轉行查照此繳

津海關道詳考試醫學堂頭二班學生評定甲乙給獎榜示文並批

爲詳報事案查北洋醫學堂考試學生向章頭班學生取列第一名者給獎洋銀五元第二三名者各給獎洋銀四元二班學生取列第一名者給獎洋銀四元第二三名者各給獎洋銀三元其餘概不給獎所需獎賞東海關應攤四成津海關應攤六成歷經照辦在案茲查本年五月間該堂學生舉行大考當經詳蒙前憲楊派委職道前往該堂會同認真考試等因蒙此職道遵卽於本年五月十一日赴堂會考內有頭班學生吳解孫葆齡力樹護三名二班學生邵筱翔張瑞鑾陸鏡輝陳慎藩等四名臨期患病又頭班劉湛科二班劉湛鑾兩名丁憂回籍均未與考當將應考各生試卷限日繳齊連日會同該堂總辦監督中外教習等認真校核現已評定分數並准屈道永秋將題目分數分別譯錄清摺各二扣連同洋文試卷一併封固咨請榜示給獎前來職道查考試醫學堂頭二班學生問寫外科內科以及化學治法各項頗有進益擬將取列頭班之第一名孟廣仁給獎賞洋五元二名宋廷瑞三名馮國寶各給獎賞洋四元其餘關衍輝等概不給獎又取列二班之第一名黃維清獎賞洋四元二名朱毓芬三名羅汝藩各獎賞洋三元其許世銘等概不給獎以資鼓勵以上共計獎賞洋二十三元除職關應攤六成洋十三元八角東海關應攤四成洋九元二角先由職關墊發並將榜示試卷咨送查收外理合將原摺二扣具文詳報憲台查核俯賜批示飭遵實爲公便再學生陳泰熬一名正在試場聞計丁艱迫不及待請假回籍因而少考一日試卷未能繳齊合併聲明爲此備由具詳伏乞 照詳施行須至冊者

文告錄要

督憲批示錄要○學司詳定興縣學董李光新籌捐學款請獎由 批據詳已悉應准照辦茲發去定興縣學董李光新五品獎札一件仰卽查收轉飭給領以示鼓勵并移行司道府查照繳○津海關道稟奏王島接待和艦已派林文彬前往由 批據稟已悉繳

臬台批示○深澤縣孀婦張劉氏來司呈控一案 批查該氏前因迭次來轅呈控經寶前升司札發深澤縣收審

旋據報該氏在押脫逃批飭勒限緝究迄未獲案乃該氏屢次來轅朦混呈控既不遣抱又不叙明原籍無憑核示嚴行批駁詎該氏復來轅瀆控實屬刁健異常顯有幫訟之人除飭轅役將該氏押送該縣查收看管外仰清苑縣即提張劉氏到案切實嚴究歷遞呈詞係何人所作嚴拏務獲照例詳辦以遏刁風而安良善所控被竊一案如查有其事亦應緝究虛則坐誣原呈同司卷併發仍繳○鉅鹿縣孀婦張張氏來司呈控一案 批據呈路存良懷挾該氏上控之嫌教賊妄扳該氏之子張大春同夥既經該縣訊係子虛將張大春釋放該氏應靜候該縣提役訊辦何必遠道來司控告自取苦累姑候札飭該縣訊究詳覆核奪該氏即回籍安度毋得在省逗遛藉軍附

直隸法政學堂批示○候補典史李治慶稟請入堂肄業由 批據稟已悉查去年考列三等候補人員業於本年正月傳齊入堂編爲戊班講習科一堂教授現上課已經一學期零兩個月功課繁多勢難插班趕辦該典史李治慶有志向學應俟明年暑假戊班講習科畢業後再行傳知來堂肄業此次所請入堂肄業之處碍難照准此批

電報錄要

路透電○英京太晤士報云坎拿大政府因坎拿大駐日本橫濱商務委員哈理斯氏有反對日本商務之事嚴行申飭并照會日政府謂哈氏之事坎拿大官場實不知曉云

又電○英國前外部大臣藍斯唐侯爵不認有赴巴洛莫拉地方之事

又電○英國財政表式現已決定

又電○俄京消息俄國駐哈爾濱總領事與德國駐奉天總領事現在互相解釋將西十月二號俄德兩國在哈埠交涉問題了結

又電○土耳其遣派赴俄之員由土外部大臣帶領現在行抵俄國克里米亞之里瓦的亞地方與俄外部大臣依烏洛斯克氏相會聞該員等未離土京時土政府諭令須將俄土兩國政治并軍事協約議訂并提議開放達爾丹尼洛海峽問題以及俄土兩皇相會之期

柏林電○德奧兩國報紙均著論說表揚德奧兩國聯盟三十年之紀念并謂德奧兩國聯盟實爲保全大局之緊要問題云

又電○美政府現派比爾班德氏爲德京一千九百零十年舉辦德美博覽會總理

又電○美總統戴夫德氏在舊金山演說時極力贊成撥款協濟航務問題

又電○土耳其國七百萬佛郎新債現歐達曼銀行承認代爲籌借

新政紀聞

政治

江甯諮議局研究會議案○江甯諮議局研究會職員於八月十三日在甯垣開第七次職員會議案如下 一仇

涑之君報告諮議局會場本已借八旗會館現洵貝勒二十八日至甯仍以此處爲行轅諮議局開會又別無可

借之地昨與方伯議只好俟洵貝勒去後再行布置會場茲將現在情形先行報告 一仇涑之君提議諮議局

議場記事員須預爲組織議定除今日舉定臧圃秋徐康侯嚴篤哉三君外如仍有相當之人可儘十六日前推

定報告本會 一海屬調查主任許融軒君報告赴徐就學務事此後調查事務請張君錫庚代理省城有事可

與邵君洽田接洽

請設自治模範村○粵紳劉汝霖以擇地建設自治模範村事稟呈督院當奉批云地方自治爲九年籌備最要關

係蓋自者對他而言自己不能治則他人得而代治之他人範圍甚廣思之可懼來稟反覆於地方之積弊因擬

擇地建設自治模範村思想甚高願力亦甚大是非一紙理論所能遠定應將所擬詳章並擇地處所繪圖貼說

另呈察核

外交

咨請保護遊歷外人○督憲准 外務部咨美人塔澈爾赴直隸河南山西陝西四省游歷等因已札飭所屬照約

保護矣

呈請保護遊歷外人○督憲據津海關道呈英人羅林一瓦容爾均由津赴直隸河南山西湖北游歷巴乃德携眷

由津赴奉天直隸內蒙古山東黑龍江吉林游歷又英員巴秉丹由津赴直隸河南安徽湖北湖南江西江蘇等省游歷又日商澁川三郎赴直隸河南山東江蘇江西浙江安徽湖北河南四川陝西甘肅山西蒙古等省游歷各等情除分行外已札飭所屬照約保護矣

學務

學部考試留學生普通學章程○場規 一甄錄考試共給三卷一卷試筆記 由考試員口誦外國文各生筆記

於卷 一卷試繙譯 將漢文繙成外國文或將外國文繙成別種國文 一卷試普通學大要 共試十問能
全作最佳至少以五問爲完卷 各依臨時牌示鐘點交卷逾時交卷者概不錄取 一試場編定坐號不得任
意挪移違者不錄 一場內不許交談及擅離坐號遇有便遺等事必須出場者應先陳明監考官 一場內不
得挾帶書籍違者不錄 一場內如有換卷傳替等弊一經察覺立即掣卷扶出並將文憑扣除 一卷後即
須出場不得勾留 歷史題 一羅馬政治之敗有何原因 二歐羅巴封建制度盛於何時衰於何時 三英
吉利法蘭西發達甚後其紛爭之狀如何 四試述俄大彼得之事業及女帝加他鄰之侵略政策 五德意志
帝國之統一其原因何在 地理題 一京師貢山面海其山自何處發源其海何名並所包支灣何名試詳言
之 二我國與俄國交通最早能舉其陸路通商之要地歟 三自蘇彝士運河開通歐亞之關係日密能舉其
創始之人及此河所經之地歟 四美國自取得斐律賓羣島其門羅主義日變試舉斐律賓位置之所在及其
關係若何 五海岸線之長短與其地文明至有關係能舉例以證明之歟 以上十題作五題爲完卷惟次序
不可顛倒 算學理化四題 不作者聽 有織機五具七日之間織布十二疋問用機九具當需若干日能織
布二百一十六疋 做工一日給錢八十文歇工一日扣錢三十文今歷九十日計共得錢五千八百八十文問
做工幾日歇工幾日 寒暖計之理由及構造法 植物與無水炭酸之關係
會詳創設商學會○浙省支提學邇日會同勸業道董觀察詳請撫院增中丞略云據山陰職商鮑承德在紹興
創設商學會查核該職商所定章程八節尙屬簡明大致注重教育惟第五節會務中之調查一項核與商會
主管事項不免稍有混淆之處事貴慎始不厭詳求本司道等悉心會議擬札飭紹興府轉飭職商等應於章程

會務項下聲明會中事務均在商學範圍以內凡於商會主管事項不相侵越等語是否有當理合詳請憲台察核轉咨大部乞爲立案云

軍政

防軍開辦隨營學堂○駐江蘇鎮江巡防統領陸厚培協戎具稟大憲擬於營內添設隨營學堂講授一切軍學所需款項擬在每月截曠項下撥充濟用

浙撫奏留陸軍參議○浙省新軍按照奏定章程編練兩鎮嗣因庫藏支絀餉需爲難開始迄今僅成立步隊兩標而設備猶未完全疊奉陸軍部嚴催經增中丞會同司道一再籌商決議於年內練足混成一協及砲工輜重等營並由督練公所選派幹練將弁分赴金衢台溫等處設處開徵聞於九月初分道出發惟將才缺乏調用爲難新軍參議靳雲鵬到浙經年正資襄贊前奏滇督奏調原議九月間應召現浙省需才孔殷萬難遽易生手經增子帥專摺奏請免調雲貴俾收指臂之助等情擬即繕摺拜發矣

飭報防營佈置情形○粵東會盜日熾袁制軍到任後體察情形以粵省防綠各營尙敷分佈惟搜捕盜匪之法在各弁聲氣貫通策應靈捷庶能赴機迅速會盜欲遁無由否則防段佈置稍爲失宜不惟兼顧爲難且此拿彼竄時虞漏網殊於捕務前途所關非細現特飭行司處將全省防綠捕務及各路統轄分佈與一切佈置情形統行列報以憑酌核

實業

東三省協贊會開會改期○東三省協贊會事務所已擬定章程辦法呈由督撫憲批准擬於二十二日開會集議因新勸業道趙觀察昨始履新諸事忙迫實不能抽身赴會故改至下星期二十七日開會事關公益屆期想商學紳各界諸君必能踴躍贊成也

廣德開辦農林試驗場○安徽廣德州治地土肥沃五穀森林均宜種植惟地方土民於新法種植未經研究若非詳加試驗考求恐不足振興農業而利民生現該州集紳會議籌款開辦農事試驗場廣購農林籽種試驗藝植以爲墾荒基礎

五軍事教育出品

關於海陸軍學堂之佈置方法

關於海陸軍學堂之成績

軍隊將校教育之組織

新兵教育之組織

軍用教育品及器械

軍用教育圖書

六軍事衛生出品

關於平時及戰時之陸軍衛生事項

海軍衛生事項

負傷者輸送方法及其材料

負傷者救護會

醫馬具及材料

事務所及會場

一本會事務所暫設於陸軍同胞社

二預備會會場未定

三本會事務所以八月初一日爲成立期預備會以宣統二年二月爲成立期

附屬出品分任處

督練公所 陸軍第九鎮司令處 參謀處 教練處 兵備處 金陵製造局 上海製造局 金陵船廠 江

南船塢 陸軍軍械局 陸軍軍醫局 步隊十七協司令處 步隊十八協司令處 海軍學堂 長江水師講

武堂 測繪學堂 陸軍中學堂 陸軍小學堂 砲隊第九標 馬隊第九標 步隊三十三標 步隊三十四

標 步隊三十五標 步隊三十六標 工程隊第九營 輜重隊第九營 混成協 南洋陸軍警察營 江陰要塞工程局 獅子山砲台 象山砲台 吳淞砲台 巡防營務處 兩江督中協

民政部奏定保存古蹟推廣辦法章程

一周秦以來碑碣石幢石磴石磬造像及石刻古畫摩崖字迹之類現存何縣何地及某縣某種物共有若干某物字迹現存若干有無斷折殘缺情形擬令督撫飭屬詳查咨部存案備核

一石質古物近年以來每爲寺僧及不肖匪徒所盜賣因之洋商絡繹將我碑版諸物販歸本國者時有所聞國體所關尤堪痛惜擬由督撫飭屬嚴禁如有盜賣碑版於外人者科以重罰并予州縣官以失察之罪

一古廟名人畫壁或雕刻塑像精巧之件美術所關較之字迹尤可珍寶擬令督撫飭屬查明如有以上所列各件的係何年遺蹟者咨部備攷

一古代帝王陵寢先賢祠墓日久漂沒踪跡模糊一人而數處有墓者有之此其故由於真墓毀失不知處所好事者遂從而作僞英光浩氣失所憑依觀覽興起遂難親切擬由督撫確查審定咨部立案

一各名祠廟或非祠廟而爲古蹟者臨履其地在在生歷史之感情擬由督撫確查咨部備攷

一金石諸物時有出土之件擬由督撫飭屬凡由地下掘得石而有字迹者訪查詳確卽由督撫於年終時報部備攷

一以上六條係調查事項

一碑碣石幢造像之屬雨淋日炙石質最易剝朽或書肆買販任意搗拓致使字迹模糊碑身斷折者在在皆是擬由督撫飭屬於露立之碑或移置廊廡或由本地籌款建造碑樓柵欄之屬凡書肆買販須報官後由官體察石質情形准其印揚若干者始能印揚否則從嚴懲罰

一古人金石書畫並陶瓷各項什物或宋元精印書籍石榻碑版之屬摩娑之下如對古人第中國歷來無一公共儲藏之所或祇於一家或私於一姓一經兵火散失焚棄瓦礫之不如故世愈久則愈少物愈少則愈珍局固視藏只供一二有力者之把玩而寒素儒生至求一過目而不得夫珍貴之品不能接於人之耳目一旦遭遇變

海國還丹

香港吳秀芝君自述患脚瘋腫痛為韋廉士大醫生紅色補丸所治愈

又述是丸如何醫治其母咳嗽並胸膈疼痛之症
 脚瘋一症與風溼骨痛無二致焉其病狀即骨節發炎發熱痛如刀割皮膚漲結薄而且紅皆因血中含有酸質之
 毒故也韋廉士大醫生紅色補丸醫治脚瘋之症與醫治風溼骨痛原無二理其功用即使其血鮮紅稠濃康健有
 力以驅除其致病之有毒酸質也吳君秀芝為香港著名公和洋行之櫃夥友其來函云○余三年前曾患脚瘋之
 症雙脚腫痛莫可言喻常致數日臥床莫能興起偶欲動作須費巨力出外行走痛苦尤甚四支不勝軟弱步履殊
 形艱難祇能數武一止不克長行否則恐有顛蹶之虞耳有時常覺頭痛背痛慘酷難忍自知無他皆因血毒不潔

香港吳秀芝君小像



之故也自顧面無血色身乏肌肉瘦骨包皮不堪回首又兼大便澁結胃口
 開補食不莫進以致形消瘦立竟成爲羸弱無神之人矣雖經中外名醫悉
 心診治然終不能除我痛苦余心鬱結傷悲幾無復原之望後閱新聞紙見
 載有韋廉士大醫生紅色補丸之奇功又因舍親亦知是丸之益勸爲試服
 余遂依言服之覺是丸之功效於余疾更見爲神速焉蓋服後便覺腿即有
 力身亦強健接連服之竟成爲康強無疾之人脚瘋從此全消諸痛爽然若
 失直與平常強壯人無異矣且頭不復痛背亦止疼胃口日增每餐甘甜
 大便通順余深感韋廉士大醫生紅色補丸之功使余身安心樂有興趣有
 精神快愉之私莫可名言未幾余母因患咳嗽胸膈疼痛咳之不已以改頭

痛余即以韋廉士大醫生紅色補丸與之服食其獲愈之功亦如余無異胸痛即止咳嗽全消而頭亦不復痛矣總
 之韋廉士大醫生紅色補丸有功於余一家者實非淺鮮余能表而出之以冀盡人皆知其妙哉○韋廉士大醫
 紅色補丸無論男女老幼所患各疾皆能醫治其法即經過血中使全體充盈新血而有力焉在此二十年大醫
 會醫治無數之脚瘋腫痛風溼骨痛腰背疼痛左癱右瘓脚氣衝心腎虧痿痺不調以及幼女壯婦所患
 消化肝經各病山林瘴氣乾溼癩癩瘡疥疔疹皮膚各症又曾醫治輕水不調以及幼女壯婦所患
 各種他症其功效之神奇有莫能盡述者矣中國各處商店藥局凡經售西藥之處均有代售或直向上海九江
 路B字第八號韋廉士大醫生藥局中國總發行處購買亦可 價銀每六瓶大洋八元每一瓶大洋一元五角
 近郵費一律不取

上海九江路B字第八號韋廉士大醫生藥局啟

商務印書館出版各書上海總發行所 分館 發售

版式大小謹遵

商務印書館恭印

欽定大清會典事例全書

進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖志三函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初羌無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜預覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

和利地產實業有限公司告白

敬啟者本公司在河北新車站大馬路及西密窪楊橋一帶建築房屋業經落成大小公館店鋪樓房三千餘間現更添設菜場接修馬路建造橋樑南通老龍頭租界北接堤頭等處並開通溝渠交通極便衛生尤宜所有本公司房產經過之馬路均自行安設電燈及公共電話自來水倒土箱倒水桶與公共俱樂部公共餐堂公共廚房公共馬號並出賃各色中西傢俱大小鐵床四時花草凡賃住本公司房屋官商能享種種便利房價尤格外從廉每房一間按月收租洋二元本公司為提倡河北商務起見並蓋有大旅館大貨棧大舞台以及大小鋪面凡商家賃本公司鋪房經營商業者首先一月不收房金第二月只收半價第三月方照定價收納如有官商欲賃住者請光臨大馬路人和里本公司帳房領看合宜面訂可也 電話一千六百十三號

奏辦京師自來水有限公司開北京正式股東會訂期廣告

啟者本公司自上年四月奉農工商部奏辦期以來各項工程漸有端緒約計年內可以開市售水亟應開股東會研究營業方針以期推行盡利復因南方股東路途未易北來赴會議事特擬於北京漢口兩處各開會一日業經呈部核准在案除漢口開會應俟擇定日期另登南方各報廣告外茲定於九月初五日下午二鐘先在北京前門內西城根本公司開正式股東會提議一切事件應請諸位股東自九月初一日起至初三日止各帶股票赴本公司驗明填給入場券屆期即可持券入會如不先領入場券臨時礙難接待再股東領入場券時務祈將姓氏籍貫住址開示以便遇事通函再在北京赴會之股東不得再往漢口與會合併聲明謹啟

縱覽會

本月二十日至二十六日本場開第四次縱覽會前四日男客入覽後三日女客入覽每日由上午十二鐘至下午六鐘無論官紳士庶均可進場游觀藉開風氣不取天津河北密窪實習工場謹白

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡蟒蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣被套口袋線毯毛毯零賣均照行價發兌中外 紳商賜顧移玉是幸

瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器磁藍 奇巧美術玩器 學界文房用品 旋行携帶等件 精工鑲身物料 定織各色履氈 現又擴充樓房 極其寬闊高大 如蒙官商光顧 價值格外從廉 行隨便入覽 電話一千三百七十四號 天津法租界 武齋洋行謹啓

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分
法政學報十日一册每月三册收價洋六角零購者每册二角
兩種合購每月收洋一圓二角
各州縣報價交銀者除額定銷數照舊收銀九錢外額外分購者統照本埠售例

本局告白刊例

登一日者每字取洋五釐 三日四釐 七日三釐五 十五日三釐
一月二釐五 半年二釐 長年一釐五
以上均按四號字起碼加寬行數照所佔面積計算
登錄商標刻工另議
三號字加半倍 二號字加一倍

前匯賑款甘省覆電廣告

賑撫局鑒感電悉甘災遠勞垂拯籌集鉅款謹率災黎叩謝公足銀八千兩已收到望轉致商會諸君及丁觀察為感此間疊次得雨秋禾茂獲可望有收各省捐款絡繹一時似已敷用並聞蕃蒸